

**OPĆINA KLJUČ RASPISUJE
JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA**

Općina Ključ poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Ključ iz sljedećih prioritetnih oblasti:

- jačanje demokratskog društva: projekti koji pospješuju omladinski aktivizam, omladinski projekti za razvoj društvenog života u lokalnoj zajednici, suzbijanje siromaštva i nezaposlenosti kroz neformalno obrazovanje, organizovanje radionica i pružanja pomoći u zapošljavanju.
- kultura: organizovanje manifestacija kulturno - umjetničkih sadržaja za zadovoljavanje potreba građana općine Ključ, afirmacija umjetničke produkcije građana općine Ključ (književnost, likovna umjetnost, muzika i sl.), promovisanje i afirmacija mladih stvaralaca, te očuvanje tradicije i kulturne baštine naroda Bosne i Hercegovine.
- socijalna zaštita: unapređivanje kvaliteta života djece sa teškoćama u razvoju i osoba sa invaliditetom, projekti koji se odnose na borbu protiv aktuelnih poroka u društvu, prevencija i liječenje ovisnosti, prevencija nasilja u porodici, maloljetničke delikvencije, zaštita fizičkog i mentalnog zdravlja, suzbijanje nasilja nad ženama.
- ekologija: informativno-edukativne aktivnosti i kampanje o načinima povećanja svijesti građana o zaštiti životne sredine, uređenje okoliša.

Iznosi sredstava za odobrene projekte iznosiće maksimalno do 2.000 KM (konvertibilnih maraka). Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije. Dužina trajanja svakog projekta može biti od 3 do 6 mjeseci. Izabrani projekti trebalo bi da se provedu u periodu od 1. juna 2022. do 31. decembra 2022. godine.

PRAVO UČEŠĆA: Učešće u ovom Javnom pozivu je otvoreno, na jednakim osnovama, za sve formalno registrovane OCD-e i NVO-e (udruženje/udruga ili fondacija), u skladu sa važećim zakonskim propisima u Bosni i Hercegovini. Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za podnosiocje projekta u okviru Javnog poziva.

PREUZIMANJE DOKUMENTACIJE: Dokumentacija za prijavu na Javni poziv za općinu Ključ može se preuzeti od 15.6.2022. godine slanjem zahtjeva sa nazivom zainteresovane organizacije na e-mail: društvene.djelatnosti.kljuc@gmail.com, putem web stranice Općine Ključ ili lično preuzimanjem u zgradi Općine Ključ, ul. Branilaca BiH br.78, 79280 Ključ, kancelarija 24. Pitanja u vezi sa Javnim pozivom mogu se postaviti putem e-mail adrese: društvene.djelatnosti.kljuc@gmail.com sa naznakom za Javni poziv. Pitanja se mogu postavljati do 24.6.2022. godine. Odgovori na pitanja biće dostavljeni u pisanoj formi unutar 3 radna dana od primanja pitanja. Odgovori na pitanja će zbog transparentnosti biti proslijeđeni svim potencijalnim podnosiocima prijedloga ili javno objavljeni na općinskoj web stranici.

PREDAJA APLIKACIJA: Popunjena aplikacija (sa kompletnom zahtijevanom dokumentacijom) mora se dostaviti u jednom originalnom primjerku u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak – petak), u periodu od 8:00 do 15:00 sati, na sljedeću adresu, ul. Branilaca BiH br.78, 79280 Ključ, ili u Šalter sali, šalter br.3. Vanjska strana koverta, pored adrese, mora sadržavati naziv poziva za predaju prijedloga projekta, puni naziv projekta i navod "Ne otvarati prije zvaničnog otvaranja", a na drugoj strani puno ime i adresu podnosioca projekta.

Elektronska kopija mora minimalno sadržavati obaveznu projektnu dokumentaciju (projektni prijedlog, pregled budžeta, matricu logičkog okvira i plan aktivnosti i promocije). Rok za predaju aplikacija je 29.6.2022. godine do 15:00 sati. Aplikacije dostavljene nakon navedenog roka biće razmatrane jedino u slučaju da poštanski žig ukazuje na datum slanja prije zvaničnog isteka roka. O primljenoj pošiljci u Općini će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, biće obaviješteni u pisanoj formi o odluci u vezi sa njihovim prijedlogom projekta, u roku od 30 dana od dana zatvaranja Javnog poziva. Rezultati će biti objavljeni na web stranici općine Ključ, kao i na oglasnoj tabli Općine.

Broj: 02-11-10-1438/22

Ključ, 15.06.2022. godine



OPĆINSKI NAČELNIK

Nedžad Zukanović, prof.